



Republika e Kosovës

Komuna e Drenasit

Kuvendi i Komunës



02 Nr. 060/04-27937 dt. 18/07/ 2025

PROCESVERBAL

I mbledhjes së pestë të rregullt të Kuvendit Komunal të Drenasit, mbajtur më 30.06.2025, e cila filloi në orën 10:00.

Mbledhjen e kryesoi kryesuesi i Kuvendit Bekim Lestrani dhe deklaroi të hapura punimet e mbledhjes së rregullt të Kuvendit Komunal, ku të pranishëm ishin 29 anëtarë.

Në mbledhje morën pjesë: Kryesuesi i Kuvendit Bekim Lestrani (PDK), Labinot Halilaj (PDK), Arigon Sinani (PDK), Zeqir Hasi (PDK), Laurita Muhadri - Bujupi (PDK), Hamit Kastrati (PDK), Blerina Gashi (PDK), Gani Krasniqi (PDK), Fatmir Baliu (PDK), Malsore Cakiqi (PDK), Valentina Leku (PDK), Manushaqe Mulaku (PDK), Kosovare Halilaj- Karaxha (PDK), Sali Dvorani (DD), Mehedin Salihu (DD), Hamit Haxhiu (DD), Jahir Hajdari (DD), Azemine Bujupi-Gjoka (DD), Marigona Bazaj (DD), Egzona Terdevci (VV), Filloreta Bujupi (VV), Selman Qallapeku, Arbër Halilaj (GREEN), Egzon Qorri (LDK), Muhamet Kurtaj, Mirlinda Dvorani, Florentina Elezi-Veliu.(VV).

Munguan: Beqir Kiqina (AAK), Qendrim Mulaj(PDK).

Të pranishëm ishin edhe: Kryetari i Komunës së Drenasit Ramiz Lladrovci, Arben Shala nënkryetar i Komunës së Drenasit dhe drejtorë të drejtorive, si dhe përfaqësuesit e OSBE-së.

Mbledhja do të ketë

Rend dite:

1. Procesverbali i mbledhjes së rregullt i Kuvendit Komunal i mbajtur më 29.05.2025;
2. Vendim për plotësim- ndryshim të Vendimit nr. 02.020/04-19803, të dt. 29.05.2025 të komisionit për plotësimin - ndryshimin e Rregullores për taksa, tarifa, ngarkesa dhe gjoba;

3. Draft Korniza Afatmesme Buxhetore Komunale 2026-2028;
4. Informim i Kuvendit Komunal për aktivitetet e Këshillit Komunal për Siguri në Bashkësi për gjashtëmujorin e parë 2025;
5. Të ndryshme.

Kryesuesi i Kuvendit Komunal Bekim Lestrani, pasi prezantoi rendin e ditës, e hodhi në votim rendin e ditës, prezent ishin 26 anëtarë të Kuvendit, rendi i ditës kaloi me 26 vota për, 0 kundër, 0 abstenim.

Kryesuesi i Kuvendit Komunal Bekim Lestrani, hapi për diskutim pikën.

1.Procesverbali i mbledhjes së rregullt të Kuvendit Komunal të Drenasit, të dt.

29.05.2025. Pasi nuk pati vërejtje as diskutime, kryesuesi hodhi në votim pikën e parë të rendit të ditës, e cila kaloi me vota unanime.

Kryesuesi i Kuvendit Komunal Bekim Lestrani, hapi për diskutim pikën 2.Vendim për plotësim - ndryshim të Vendimit nr. 02.020/04-19803, të dt. 29.05.2025 të komisionit për plotësim - ndryshimin e Rregullores për taksa, tarifa, ngarkesa dhe gjoba.

Kryesuesi i Kuvendit Komunal Bekim Lestrani, me qenëse anëtari që ka kërkuar me u liruar nga ky komision është nga PDK-ja, ftojë përfaqësuesin e PDK-së që të propozoi një anëtar të ri, fjala për Kosovaren.

Kosoavre Karaxha, nga grupi i PDK-së, propozojmë Gani Krasnqin.

Kryesuesi i Kuvendit Komunal Bekim Lestrani me propozimin e ri bëhët plotësim-ndryshim i anëtarit të komisionit për plotësim - ndryshimin e Rregullores për taksa, tarifa, ngarkesa dhe gjoba. Edhe një herë po ju a prezantoj anëtarët e këtij komisioni:

1. Fluida Nika - kryetare nga ekzekutivi;
2. Shehrije Mustafa - anëtare nga ekzekutivi;
3. Lumnije Prenku - anëtare nga ekzekutivi;
4. Gani Krasniqi - anëtar nga Kuvendi;
5. Mërgim Pirraku - anëtar nga Kuvendi;
6. Egzona Tërdevci - anëtare nga Kuvendi;
7. Arben Kuliqi - përfaqësues nga Shoqëria Civile, anëtar.

Kryesuesi i Kuvendit Komunal Bekim Lestrani, hodhi në votim pikën e dytë të rendit të ditës e cila kaloi me 26 vota për, 0 kundër, 0 abstenim.

Kryesues i Kuvendit Komunal Bekim Lestrani, hapi për diskutim pikën 3.Draft Korniza Afatmesme Buxhetore Komunale 2026-2028.

Egzona Terdevci, i kam disa pyetje dhe disa komete lidhur me Draft Kornizën Afatmesme Buxhetore Komunale 2026-2028, fillimisht të pjesa tekstuale tek forcimi i ekonomisë është përmend mbështetja direkte e Sektorit të bujqësisë, cili është lloji i mbështetjes që është planifikuar për bujqit jasht atyre që jepen nga Ministria e Bujqësisë. Në faqen 8 stafi për arsimin parafillor është i njëjtë, janë 36 punonjës të planifikuar në këta 36 punonjës a janë llogarit edhe punonjësit për çerdhet e reja për të cilat veq i keni ndarë parcelat në janar të vitit 2024.

Tek lista e projekteve kapitale tek rreshti i katërt emërtimi i projektit është vërtet Drenas, nuk e kam të qartë për çfarë projekti bëhet fjalë, për kënd kan me u blerë 100 mijë euro vetura zyrtare në vitin 2026. Korniza Afatmesme Buxhetore fatkëqësisht ka qenë vazhdimisht përseritja e projekteve të njëjta që sjanë parë gjatë tërë mandatit mundesh me e pa në Kornizë Afatmesme Buxhetore që i vetmi projekt i ri të infrastruktura është rregullimi i trotuareve dhe ndriçimi publik në Drenas, Komoran, Arllat, Terstenik, Dobroshec dhe Baicë, 1.4 milion euro për tri vite i nderuar z. Lladrovci unë kam qenë po thuajse në të gjitha dëgjimet publike dhe kërkesa më e madhe prej fshatrave është trotuari, a mendon që vërtet ky buxhet i përmnbush kërkesat për trotuar dhe a ka mundësi me u ndryshu për me pasë më shumë, sidomos në vendet ku rrezikohen fëmijët duke shkuar në shkollë.

Tek rinia, kultura dhe sporti janë planifikua 35 mijë euro për tri vite për fusha sportive, ku kanë me u ndërtua këto fusha sportive, sepse nuk e keni cek vendin pastaj varësisht ku e shihni me të nevojshme në bazë të votave tek rinia, kultura dhe sporti po ashtu janë paraparë 9 mijë euro për blerjen e librave, për cilat shkolla kanë me u blerë këto libra.

Kryetari i Komunës Ramiz Lladrovci, po provoj me të dhënë përgjigje për pyetjet që i di. Ky ka qenë dëgjimi i parë buxhetorë ne e kemi edhe dëgjimin e radhës e pastaj i kemi edhe takimet që i bëjnë asambleistët me qytetarë vijnë ndryshimet dhe bëhen në fund të mbledhjes së Kuvendit me 30 shtator, nëse nuk gaboj. Folët për stafin e ri për çerdhet, staf unë nuk mundem me shtu, sepse Qeveria e Kosovës e përcakton numrin e punëtorëve në bazë të numrit të banorëve, jo që nuk mundem me e shtu, por kam frikë që kanë me na ndeshku me zvoglu numrin për shkak së ne nuk e kemi mbërri nurmin e duhur të banorëve karshi numrit që e kemi të stafit të punëtorëve.

Projektet investive ne i mbledhim në një projekt për me i zhvillu procedurat më lehtë, 100 mijë euro vetura për dijenin tëndë dhe të krejt qytetarëve që na dëgjojnë, këto mjete besoj janë për Komunën. Ju e dini në çfar gjendje i kemi makinat e Komunës dhe sa pak makina kemi, asnjëherë nuk kemi marrë me qira dhe nuk kemi blerë sene të shtrenjëta dhe nuk ka kryetar në Kosove që e ka ruajtur buxhtin më shumë se unë.

Sa i përket rrugëve, trotuareve dhe ndriçimit me dhjetra herë edhe në dëgjime buxhetore edhe në takime me qytetarë kam thënë që trotuaret i shtroj çdo kund ku kam hapësirë publike, prona është bërë e shtrenjtë sidomos kur të bëjmë mjete me i shpronësu pronat e rrugëve publike për trotuarë edhe këto kemi me i bërë njëherë nuk kemi mundësi, ndriçimin po besoj e bëjmë këtë vit po kodi është trotuare, ndriçim çka do që ka nevojë aty shkon.

Sa i përket fushave sportive besoj që do të bëhen në Korroticë të Epërme, Arllat, Komoran, nuk janë përfundimtare asnjë ku do që janë të nevojshme investimet për qytetarët e Drenasit do t'i bëjm.

Egzona Terdevci, atëhere për projektin që është emërtuar veq në Drenas nuk u sqarua mirë nëse e përcjell Kornizën Afatmesme Buxhetore dhe buxhetin për katër vite radhazi duhet me qenë fjala për projektin e parkut pishat në Gllobar, i cili nuk ka përfunduar ende me e përcjell renditjen e projekteve po duhet me u ndreq se nuk mundet me shku, po besoj që është dasht me qenë pak më të kujdesshëm këtu përgjigjet të tjera ishin të mangëta. Po mëqenëse ka ende degjime buxhetore, kemi me diskutu edhe në shtator së nuk pate informata konkrete e kemi përmend edhe në degjimet tjera buxhetore dhe kur është diskutu korniza buxhetor nuk është në rregull kur po i përmendni asfaltin në Gllobar, asfaltin në Terstenik që në shtator me ardh me të qarta.

Kryesuesi i Kuvendit Komunal Bekim Lestrani, hodhi në votim pikën e tretë të rendit të ditës e cila kaloi me 23 vota për, 3 kundër, 0 abstenim.

Kryesues i Kuvendit Komunal Bekim Lestrani, hapi për diskutim pikën 4. Informim i Kuvendit Komunal për aktivitetet e Këshillit Komunal për Siguri në Bashkësi për gjashtëmuorin e parë 2025. Pasi nuk pati diskutime vazhdojmë me pikën e pestë .

Egzona Terdevci, i kam dy pyetje për drejtorin e Infrastruktues e para është për një kanalizim në Polluzhe për të cilin është bërë kërkesa ne vitin 2023. Në përgjigjen e Komunës të dt. 29.09.2023 ju drejtor keni thënë që, brenda ndarjeve buxhetore, brenda vitit 2023-2024 keni me e shqyrtuar mundësinë për këtë investim, por jemi në qershor 2025 dhe ende nuk keni bërë asgjë bëhët fjalë për 400 metra kanalizim për me u kyçë në kanalizimin kryesor të fashit Polluzhë, parashtruesi i kërkesës është Agim Istogu. Pyetja e dyta ka të bëjë me rrugën Hysni Bilalli Shtrubullova kanë mbet 100 metra pa u shtru ma kanë adresuar si shqetësim nëse mundemi me e ditë pse ka mbet.

Kryetari i Komunës Ramiz Lladrovci, nuk i ka dy javë që kemi pas degjim publik për investimet e vitit 2025 janar –qershor dhe i kemi dhënë të gjitha përgjigjet përgjegjësve të lokaliteteve edhe qytetarëve të cilët kanë pas ineters me ardhur. Në Kuvend ne bëjmë raport, e kemi obligim ligjor po me vjen mirë që kan mbet edhe rrugët, si Hysni Bilalli për ka 100-50-20 metra pa i shtruar.

Drejtori i Infrastruktues Endrit Gllareva, sa i përket kanalizimit në fshatin Polluzhë, sigurisht që ka me u përfundu gjatë këtij viti. Sa i përket rrugës ne Shtrubullova nuk e di që ka rrugë publike pa u përfundu, është një por ajo është në kontest gjygjësor po besoj që do të zhgjidhet shpejt ai problem.

Mehdin Salihu, unë i kam disa pyetje për drejtorin e arsimit dhe për drejtoreshen e Shëndetësisë. Drejtor së pari të uroj për përfundimin e vitit shkollor, shkollat janë në gjendje shumë të keqe sidomos aty ku është numri shumë i madh i nxënësve p.sh.shkolla Rasim Kiqina, porosia ime është që në të ardhmen mos mendoni vëtëm për ngrohjen e shkollave, sepse tani klima ka ndrru mendoni edhe për klimatizimin e

shkollave dhe nuk është shumë i kushtueshem.

Të përgëzoj për punën drejtoreshë edhe për marrjen e autoambulancës me qenëse ky vit është i mirënjohjeve është dashtë me e falenderu edhe personin adekuat që ka kontribuar znj. Arianja, shefja e departamentit për vizita shtëpijake. Po më interson me ditë a ke informata, pse janë ndërprerë punimet e QKMF-së së re, edhe në këtë mandat tëndin drejtoreshë vazhdojnë punëtorët të drejtat e veta që ua garanton ligji edhe kontratat me i nxjerrë vërtëm përmes përmbaruesit dhe përmes gjykatës nuk është në rregull por edhe ju kushton juve.

Nuk jeni duke bërë program të mirë në planifikimin e punës p.sh që dy tri vjet janë dalë 6 punëtorë në pension edhe ju nuk keni marrë punëtor të ri në shumë vende tjera me qenë aktive edhe me qenë me një program në punë është dashur me hap konkursin në momentin që del në pension puntori. Unë kam marrë pushim pa pagesë që dy vjet dhe t'i nuk e ke marr askend në vendin tim, t'i punon me të njejtin staf si ke fluks si ke gjendje stabile unë nuk e di që ke staf të mjaftueshem, t'i nëse ke e tërhjeki fjalën.

Kryetari i Komunës Ramiz Lladrovci, të nderuar një zyrtar i QKMF-së, siç është Mehdi Salihu thotë që dy vjet jam në pushim pa pagesë. Drejtoreshë ligji ja mundëson një zyrtari vërtëm një vit pushim pa pagesë të lutem t'i ndërmerrni të gjitha masat adekuat ligjit. Ju folët për autoambulancë, ka dy- tri vjet që ne bëjmë kërkesë dhe kësaj here na ka ardhur radha vitin e kaluar është dashtë me na dhënë Qeveria, por për dijenin e juaj dhe të qytetarëve tri ose katër autoambulanca i kam sjellë donacion nga qytetarët tonë në Europë, pse nuk po zhvillohen punime në QKMF, është çështje e Ministrisë e cila është duke i shqyrtuar disa të meta të projektit.

Po i pres proceduar të Ministrisë, pastaj unë i procedoj ku duhet me i procedu të gjitha imellat i kemi, sepse unë komunikoj shumë me imella.

Sa i përket temperaturave të larata dhe zhvillimit të mësimit ligji e thotë deri në çfarë temperature mundemi me mbajt mësime edhe kur mundemi me i lëshu në pushim, mirë që i kemi kry të gjitha ato që duhet me i kry për shkolla po besoj që në të ardhmen do të bëjmë edhe klimatizimin edhe për ftohje edhe për ngrohje kur ka ndonjë ditë të ftoftë para aftateve dimrore.

Drejtoresha e Shëndetësisë dhe Mirëqenies SocilaeLumnije Krapit, Ariana është një punëtorë shumë e zellëshme dhe e vyeshme, por nuk ka të bëjë me kërkesën për veturë emergjente, sepse kjo i përket një sektori tjetër, programi që e zhvillon Ariana është 0-3 vjet program që shkojnë nëpër shtëpi për gra shtatzëna d.m.th para dhe pas lindjes.

Sa i përket pyetjes për pagesat e punëtorëve shëndetësorë, kjo është e nënshkruar me kontratë kolektive nga Ministria edhe ne jemi duke ju përmbajtur asaj kontrate ashtu siç ju takon me ligj, jo pse duhet me i aprovu ne, ndërsa lidhur me mungesën e punëtorëve nuk kemi mungesë të punëtorëve sipas Udhëzimit Administrativ 04/2020 deri në 1500-2000 banorë e kemi një mjek, dy infermiere d.m.th stafin e kemi të kompletuar.

Kryetari i Komunës Ramiz Lladrovci, grantin për staf shëndetësorë e kemi të përcaktun me ligj dhe numrin e përcaktun me ligj nën 50 mijë banorë kemi numër me të vogël, pra ne nuk mund të rekrutojmë staf në rast se kemi më shumë staf mas atij

numrit të stafit që na takon me 48 mijë banorë dhe nuk na e lejon sistemi me rekrutu staf të ri, ne kemi staf më shumë, sepse ne punojmë në dy qendra 24 orë e që spunon kërkush në Kosovë dhe në QKMF, pra ne bëjmë shpënzime më shumë se që kemi grant të përcaktum me kuotën që e përcakton niveli qëndror në kuadër të Ministrisë së Financave. Tani është duke u bërë sistemimi i qytetarëve për të mjeku familjar dhe tani e shohim edhe këtë në sistem në të ardhmen.

Drejtoresha e Shëndetësisë dhe Mirëqenies Sociale Lumnije Krapit, granti specifik i shëndetësisë aprovohet prej Ministrisë së Shëndetësisë dhe implementohet prej Drejtorisë së Shëndetësisë dhe Mirëqenies Sociale, asnjë stafë rekrutues nuk merret pa Udhëzimin e Drejtorisë së Shëndetësisë dhe Mirëqenies Sociale .

Drejtori i Arsimit Muhamet Gjoka, në aspektin infrastrukturor qëndrojmë shumë mirë ku jemi ndër pak komuna që i kemi të kompletuara shkollat me teknologji informative dhe me kabinete të teknologjisë informative, janë të paisuara me tabela të menqura pra ne punojmë në bazë të prioritetëve sepse këto kanë qënë prioritete tona dhe i kemi përfundur, tani mbetet edhe paisja e shkollave me klimë.

Mehdin Salihu, tha se cila shkollë është e pajisur me klimë përveç të drejtorit që është klima e vendosur.

Drejtori i Arsimit Muhamet Gjoka, shkollat janë të paisura po nuk janë në secilën kalsë.

Azemine Gjoka, tha se kam një kërkesë që e kam bërë për asfaltimin e rrugës "Shaban Polluzha në fashtin Terstenik", kjo kërkesë është bërë edhe me hërët në vitin 2024 keni premtu se në vitin 2025 keni me e realizu e nuk është realizu. Mua nuk më është kthyer asnjë përgjigje që e kam bërë edhe një kërkesë tjetër për të njejeten rrugë 100 metra të rruga "Shaban Polluzha në fashtin Terstenik".

Kryetari i Komunës Ramiz Lladrovci, rruga Shaban Polluzha është ku lidhet udhëkryqi që e ndanë rrugën për Çikatovë e deri të kufiri me Skenderajn, është pronë e Ministrisë së Infrastrukturës dhe nuk është e jona ka dhjetra vite që po kërkoj me u përfundu rruga prej Komoranit e deri në Skenderaj, nese është ndonjë rrugicë që e kemi e nuk është Shaban Polluzha, jemi në proces ju e dini që përmbaruesi na ka marrë një milion e gjysëm mjete në kodë investive dhe kemi mbet pa i zhvillu disa projektet për atë qëllim nuk është faji i jonë por i kontartave kolektive.

Azemine Gjoka, njëra është 100 metra është rrugicë d.m.th përfaqesuesit e lagjes Dvorani, këta e kanë bërë edhe një kërkesë me nr.15.070-01-45370, dt.13.09.2024 unë edhe një kërkesë tjetër e kam bërë por nuk më është kthyer asnjë përgjigjeje.

Kryetari i Komunës Ramiz Lladrovci, kërkesat mund të vijnë edhe në pronë private nuk e di a është pronë private 100 metra a është pronë publike po në pronë publike besoi që mbyllet si proces në pronë private unë nuk guxoi ju e dini që deri në 28 mijë euro na ka

kushtu një ari të Kukiqt jo në qeverisjen time por ne e kemi pagu, nesë është publike besoi që e kryjm.

Azemine Gjoka, një kërkesë e kam bërë të lagja Bujupi afër IP-së, janë disa shtëpi aty kanë probleme me një kanalizim që është hapë disa hërë po nuk është bër zgjidhja e përgjithshme, kam bër edhe një kërkesë për me bërë zgjidhje me afat gjatë për arsye së po shkakton probleme dua me e ditë a keni me realizu dhe kur keni me e realizu.


Drejtori i Infrastruktures Endrit Gllareva, sa i përket kanalizimit në lagjen Bujupi në Arllat, unë jam në kominikim të vazhduëshem me banoret dhe ju kam premtuar që gjatë korrikut do të jem aty dhe kemi me i zgjedh të gjitha këto probleme.

Kryesuesi i Kuvendit Komunal Bekim Lestrani, pasi nuk pati pyetje as diskutime tjera të pika të ndryshme e shpalli të mbyllur mbledhjen.

Më gjerësisht, mbledhjen e rregullt të Kuvendit të Komunës së Drenasit, të dt. 30.60.2025 mund ta ndiqni në ueb faqen zyrtare të Komunës, në rrjetin social.
<https://ëëë.facebook.com/share/v/16yR6AmGyD/>

Mbledhja përfundoi në ora 11:10.

Procesmbajtësja



Fakete Hoti

Lekturoi


Nikelinda Bujupi



Kryesuesi i Kuvendit Komunal


Bekim Lestrani